

կին մէջտեղը “ԲՈՊԻԿ”, (Տես Հ. Ալիշան, Սի-
օական, էջ 351/2:)

Այս գրութիւններուն համեմատ՝ Առաքել
Արքեպ. ծնած է 1613ին ի Շոուօթ գեղջ հին
Նախիջեւ անի: Ինքն Էջմիածնի Փիլիպպոս Կաթողի-
կոսին սպասաւորն էր, կ'ընկերանար անոր ուղեւո-
րութեան ի Կ. Պոլիս: Ի սկզբան ֆահրապատու
եպիսկոպոս ձեռնադրուած էր որչափ կ'երեւայ՝
1648ին, եւ յետոյ (ըստ տապանագրին 1659էն
հտեւ) Նախիջեւանայ Երնջակ գաւառի Ս. Կա-
րապետ վանքին Արքեպոս. եւ Առաջնորդ դրուե-
ցաւ նոյն Կաթողիկոսէն: Ասոր յաջորդ Յա-
կոբ Զուղայեցի Կաթողիկոսին հետ սերտ յա-
րաբերութեան մէջ էր, եւ անոր կողմանէ
կրկին անգամ Հռոմ ղրկուած էր ընդհա-
նուր հայ ազգին կաթողիկէ Եկեղեցւոյ հետ
միաբանութեան ճամբան հարթելու համար:
1659ին Հռոմ գնաց առաջին անգամ եւ այն-
տեղ կաթողիկէ հաւատոյ դաւանութիւն տուաւ
(տ. նաեւ Մեսրոպ Արքեպ. Սմբատեանց, Նկա-
րագիր Երնջակայ Ս. Կարապետի վանից, Տիփլիս,
1906:)

Ինքը սրբակրօն անձ մըն էր եւ անուանի-
քարողիչ եւ քարոզութեան ատեն բոկոտն կը
շրջէր եւ այս պատճառաւ կը կոչուէր “ըուպիկ”:
Եւ որովհետեւ իրեն նուէր տրուած դրամը կը
բաշխէր աղքատներու, զինք “անարծաթ վար-
դապետ”, կ'անուանէին: 1679ին վերոյիշեալ
Յակոբ Կաթողիկոսին կողմանէ յիշեալ նպատա-